

Ո Ր Ո Շ ՈՒ Մ N 313/6
/վարչական տույժ նշանակելու մասին/

«13» նոյեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Մելքոն Աղաջանյանս, քննելով Մանվել Բոշյանի / անձն. BA1914972, Հայաստանի և Լեհաստանի Հանրապետության քաղաքացի/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Մանվել Բոշյանի անվամբ 31.10.2017 թվականի թիվ 05100033/311017/0000117247 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել BMW 528 մակնիշի, WPI28296 պետհամարանիշի, 2012 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման ժամկետը սահմանվել է մինչև 28.09.2018 թվականը: Հիշյալ ժամկետը երեք անգամ երկարաձգվել է և վերջին երկարաձգումը կատարվել է մինչև 29.08.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-իրավաբանի կողմից 27.09.2018 թվականին Մանվել Բոշյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով: Վարչական գործի քննարկման արդյունքում 28.09.2018 թվականին կայացվել է <<Վարչական գործի վարույթը կարճելու մասին>> թիվ 219/6 որոշում, որը վերադասության կարգով վերացվել է գործն ուղարկվել է նոր քննության:

Նշանակվել է գործի նոր քննություն 2018 թվականի նոյեմբերի 13-ին, ժամը 15:00-ին, ՀՀ ՊԵԿ Արևելյան մաքսատուն վարչության վարչական շենքում: Մանվել Բոշյանի դիմումում նշված էլեկտրոնային փոստի հասցեով վերջինիս ուղարկվել է ծանուցագիրը, սակայն Մ. Բոշյանը չի ներկայացել վարչական վարույթի քննարկմանը:

Ուսումնասիրելով Մանվել Բոշյանի կողմից ներկայացված բոլոր ապացույցները, վարչական մարմինը գտնում է, որ վերջինս կարող էր կանխել իրավախախտման կատարումը, քանի որ նախապես իմացել է, որ 27.04.2018 թվականին բացակայելու է ՀՀ-ից և վերադառնալու է արդեն իսկ ժամկետի խախտմամբ: Սակայն Մանվել Բոշյանը իր իրավունքներից օգտվել է անբարեխղճորեն և <<Ժամանակավոր ներմուծում>> մաքսային ընթացակարգը կասեցնելու համար BMW 528 մակնիշի, WPI28296 պետհամարանիշի, 2012 թվականի արտադրության տրանսպորտային միջոցը չի ձևակերպել <<Մաքսային պահեստ>> մաքսային ընթացակարգով, ինչպես նաև մինչ սահմանված ժամկետի ավարտը չի օգտվել «Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 9-րդ կետի 2-րդ ենթակետի արտոնությունից:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 3376520 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 1148016 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով: Հետևաբար Մանվել Բոշյանը ՀՀ-ում չգտնվելու փաստը չի կարող դիտարկվել որպես պատասխանատվությունը բացառող հանգամանք:

Այսպիսով վարչական մարմինը քննելով գործում առկա ապացույցները գալիս է այն եզրահանգման, որ Մանվել Բոշյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Մանվել Բոշյանին ենթարկել վարչական պատասխանատվության՝ տուգանելով 574008 ՀՀ դրամի չափով:
2. Որոշման մասին հայտնել Մանվել Բոշյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

*Սույն որոշմամբ նշանակված տուգանքի վճարման հաշվեհամարներն են. **900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մարսավորւն-վարչություն, ԿՈՂ 29):***

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Մ.ԱՂԱՋԱՆՅԱՆ